

Fida Nyamesemka: Ayewoho 5, 2013.

(Friday sermon – 5<sup>th</sup> July, 2013 – Fante Translation)

**NYANKOPON NE NHYIRA-GERMANY NSERAHWE.**

Anohoba Mesia (ANN) ne awensem tsia a okyerewee ne nkyerese kyerede:  
O! Odomfo Ewuradze mebeye den m'akyere me ndaase a onnyi kabea akyere Wo.  
Na henfa na mefre m'anowerba fi a obotum dze me ndaase a no mu kye ama!

Oye dzen de eboto ada Nyankopon ase wo Ne nhyira na N'enyimpa ntsi. Nserahwe biara a Hadhrat Khalifatul Masih ko no nya Nyankopon Ne nhyira na N'enyimpa wo akwan soronko mu. Onkyeree biara okor Jalsa Salana a woyee no wo Germany, na Jalsa ho no, onye mbeambea bi so, onyaa esuahun wo Odomankoma Nadom na Ne nhyira ho a ohyee gyedzi a okyerede daapem Nyankopon No bo no a ohyee no wo Anohoba Mesia (ANN) ho no ba mu wo enyimnyam fofor mu.

Ameer a wo Germany no kaa de dza ohunii biara boor n'adwen do, ono nye ne nsafuo. German amamba na hon dawurbo asoee kyeree hen enyigye soronko a woto no abaw a onnhya. Nkorofu a wo apaamu apaamu, tumdzifo na Kristian asofo a wobaa bea a wopaa asorfi ho tam anaa wotoow asorfi fapem no kyeree enyigye soronko. Nyankopon N'adom a odwiir Jalsa ho no, nkorofu kyeree de onnto ka. Onyimpa n'adwen nnkotum atse Odomankoma nhyira ase; dza osii Germany ho dze ne saso nnka; ampaara de enyida do de obedzi mu naaso mbre Nyankopon sii hyiraa ehyiadzi no do no nna obor do.

De mbre oeenya no ntoyee no, Hadhrat Khalifatul Masih kasae faa Odomankoma nhyira ho ber a odze ne nserahwe no kor ewie no. Oye no kusum so de oda Jalsa edwumayefo no ase na onyaa pe de oye demara so nda da yi. N'akwantu yee tsiabaa; odzii dadu na ber yi mu no opaa asorfi ebien ho tam na ebien so otoo fapem. Nyankopon N'adom ara nkekano nhyiamu a dem ber yi woyee no kor yie mbordo mbordo na omaa adwen bi a onnsi kwaa a nkorofu binom enya wo asorfi ho no pepaa fii ho. Wotoo Masjid Subhan a wo Morferden ne fapem na Masjid Baitul Ata dze wopaa ho tam. Dan bi a wosi no dada na wosiesiee no daan no yee Asorfi. Jama'at a wo ho no dze kwasafodwuma (Waqr-e-amal) siesiee asorfi no; na wodzii donhwer mpem esoun wo ho. Baitul Raheem a wo Neuweid nye asorfi kor so a wopaa ho tam no. baitul Hameed a wo Fulda no wotoo ne fapem. Dem ndzeyee yi apaamu ahwedofu, aban edwumayefo banodzifo, amanye na asor mpanyimfo baa ase.

Ber a worepa Baitul Ata ho tam wo Florsheimam Main no Hesse mansin mu hwedofu no kaa de ber a worubuei Jamia Ahmadiyya no okor ase. Okaa Ahmadiyya nkyerkyere na hon su ho nsem. Odaa Jama'at no ase wo hon nhyehyee a okyerede Islam supa ho, bi nye anamontwa nantsew a okyerede odo; kaar kwanmu nsiesie na dza okeka ho. Germanfo ahaebien eduosoun na wotoo nsa free hon ma wobaa asorfi yi ne mbuei ase; apaamu ahwedofu anan, osoafo, amanyefo na mbrahye baguafo, asofo, polisi panyin na apamfo a wohwe kurowpon no do.

Ber a woretow Baitul Hameed ne fapem no, apamfo a wohwe kurowpon do no hon eguamutsenanyi ka de, Ahmadiyya Kuw no ka Fulda kurowpon no ho. Odaa no edzi de

onyim hen dwumadzi na ɔwɔ atsenka de woesi asɔrfi Fulda no kyere de yewo pe de yedze hen ho hye amanfo hon dwumadzi wo kurowpon mu ho. ɔkyeree de nnye ɔtse nsempa wo Ahmadiyyafo ho nko, mbom dem nsem yi wodze ko nyee mu eso woye nkorɔfo a wodzi mbra do.

Obi a ɔwɔ apaamu ho a oedzi mfe eduowotwe biako kaa de dza Khalifatul Masih aka no nnye ne nyinara na ɔbeba mu ber yi a ɔtse ase yi, mbom wiadze nam no do begye nyia ɔdze Ahmadiyya boboo adze no ne nsem ato mu. Dem opanyin yi, adzekyee no ɔsanee baa bekaa de oehu nyamsom no no nokwardzi wo n'akoma mu. ɔserɛ de wobekyere no asɔrye ama ɔaye asɔr. Opanyin a ɔhwe apaamu ho yiedzi do no kyeree ne pe de Hadhrat Khalifatul Masih bokɔ akɛsɛra edwuma n'asoe ho. ɔkaa de nkorɔfo faa Huzur ne kasaa no de no mu dahɔ petee a ɔhyeren wo nyimdee mu eso otu kafo. Sadr no a ɔwɔ apaamu ho no kyere de mbre nkorɔfo ridzi ho akonaba ara nye yi de wɔrobɔhwe asɔrfi no. Dem a wɔbor ahaenum abɔhwe ho a woakyere pe mapa wo Islam ne nkyerekyere mu.

Basia bi kaa de ɔye no enyigye de Hadhrat Khalifatul Masih ne kasaa no kyere Islam na Kristiansom ntseasee. ɔkaa de nsonsonɛ kumaabi na ɔda nsɔrbansɔrba ntamu, ne kɛsenara wonam kwan kor do. Obi so a wotoo nsa frɛɛ no kaa de Hadhrat Khalifatul Masih akasa akyerɛ de Islam ye asomdwee som wo ne kasaa a ɔaka no dada mu na iyi ye ehiasem a ɔtaa ka. Obi so kaa de ɔyɛɛ no enyigye de ɔtsee nsem a ɔfa no ɔdo ho a wokaa no mpen pii wo nhyiamu no ase. ɔkaa de ɔye Kristiansom ne fa bi a wofrɛ no Protestant kadofɔ a okenyan noho yie na ɔdo ye ehiaɔze ma no papaapa na mbom ɔye no de ɔntse de wobɔ dzin wo n'asɔrfi mu pii de mbre ɔ'atse no wo ha yi. ɔkaa de ɔtsee ɔdo kɛse nka wo no mu wo ho. Ohuun de nkorɔfo a wonnyi adwentsen wo Islam ho no, ɔye a nna wonyim Muslimfo mbre wotse.

Hadhrat Khalifatul Masih nye TV na dawurbo nkrataa edwumayefo dzii mbisase. Hon a wonye no dzii ehyia no hon dodow nye iynom; dawurbo nkrataa ahorow eduosa, radio asoe ebiasa na TV soronko enum na wodze ne nsem too gua. Ber a odzi kan a German Oman no ne TV twee Jama'at no hon nsem. Hen nsem dur nkorɔfo a hon dodow beye ɔpepe kor na ahaebien: dem ber no ara so German Oman TV no daa Jama'at no edzi na wodze Huzur ne mfonyin too do ma wotsee ne nsem.

TV bi so a wohu no wo Switzerland na Austria so twee nsem no ma aman ebiasa hon nsa kaa nsem no a nna German Jamaat no hon enyi nda. Dawurbo krataa bi dze too gua de Hadhrat Khalifatul Masih kaa de bea bi a nkye woker sika to adze no, dan a wɔadan no asɔrfi yi nna ɔye guadzibea; na de wɔadan no asɔrfi yi ɔye sunsum mu edwuma a woenntua hwee. Jama'at siesiara dze woonya gyinabew wo German Omandua mu ma ɔnam dem ntsi obotum atsetsew noara n'adzesuabea ama o'anya Aban no mboa. Mbom, Hadhrat Khalifatul Masih maa ɔdaa edzi pefee de Jama'at no noara ko noho mboa wo sikasem mu, n'akadofɔ no dze enyigye bo afor na wosisi asɔrfi na wonnhia de wobisa mboa fi aban nkyen.

Obi a wotoo nsa frɛɛ no kaa de ɔdo nkyerekyere a ɔda Jama'at no na Khalifatul Masih ntamu no ne saso nnka no ɔnnye esuadze a ɔdze awerefir ba ara da. Nokwar, ndandzamba piinara abo iyi enyikam na woakasa ho. Huzur ne krato a ɔkyere de Islam ne nkyerekyere ka de Jama'at wode wobu nsɔrbansɔrba nyinara na ampaara asɔrfi afofor yi begyina ho ama dem

nkyerekyere yi no, womaa osii gyina wo dawurbo dwumadzi mu nkanka ara abeefo efir a wofre no “**website**” no.

Nyankopon N’adom ara afe yi aforfo a wabodon Kuw yi baa German Jalsa Salana no bi; anyenkofo a wohyee Tabligh ase na etsipiafo a wofi France na Belgium onye Malta, Estonia, Kyrgyzstan, Kosovo, Albania, Iceland, Lithuania, Hungary, Latvia, Russia, Tajikistan, Bulgaria and Macedonia so baa bi. Ananmusifo a wofi Bulgaria ye eduowotwe na eduonum ebiasa so begyina Macedonia ananmu. Obiara, a ahoho ka ho, enyi gyee sunsum mu nkenyan a Jalsa Salana dze maa no. German Jalsa Salana no ridzi adontsen wo Europe Boka afamu nye Europe amanaman bi so mu. Dem ntsi Tabligh dwumadzi no mu retrɛ. De mbre otse no, hon a wotoo nsa frɛe hon ase no enyi gyee mboframba no a wodze nsu rekyekye eso worohwe mpanyimfo; na dwumapa a woridzi no. Obinom kaa de dem dwumadzi yi yee hon nwanwa.

Kristiannyi ewuraba bi a ofi Macedonia a wo abodin mapa wo Ngyiresi Kasa mu kaa de ne preko a orea Jalsa nye no na oehu de Jalsa no wototo no yie papaapa. Ohun de obiara a mbofra ka ho roko honho mboa na iyi maa onyaa enyigye de Jama’at no wo gynabew a okron. Ber a Hadhrat Khalifatul Masih dze ne kasaa kor ewiei no ohuun mbre Islam asomdwee nkyerekyere tse na onyaa atsenka de Jalsa no dze nsesa aba no mu.

Datser bi a ofi Macedonia kaa de n’enyi gyee de nkorfo fi amanaman do naaso eyimpamu biara ne mframa mmo wo Jalsa ho. dza otsee fii nkorfo hon Jalsa nsemka mu no, otsee nka de o’enya ne bea pokyee. Oye Bai’at wo da a Jalsa no kor ewiei no. Okaa de okor Hajj na dza ohunii no faa amanye ho no annye no enyiso. Okaa de n’enyi agye nsakyer a Jama’at no dze kyere na ohuun de Jama’at no hye Islam som mu dzen. Odaa no edzi de afei oagye Ahmadiyya ato mu na ono dze, ofa no de oye Seeratal Mustaqeem (kwan tsenenee no). Oye no nwanwa de apolisifo nnyi ehyiadzi kese a otse dem no ase, ampaara womaa Aban no awerehyemu de wonkefre apolisifo biara. Danntse nsem biara a Hadhrat Khalifatul Masih kaa faa dza Maulwinyi biara kyerekyere mu. Ototo no kon de abeka Jama’at no ho. Okaa de ohuun de Jama’at no wo Khalifa no otsee nka de oehu kwan no!

Abrentseba bi a ofi Macedonia a abeye Ahmadiyyanyi fofor a ofi Muslimfo adadaw no mu no huu amandze wo n’ebusuafo nsa ano. Okehiaa de ofi fie kobɔ noho edwaa abosom esia wo beebi, ekyir noho kafo so beyee Bai’at. Obaa Jalsa Salana no bi na osere kwan kenkaan awensem bi a Macedoniafo kyerewee. Huzur maa no kwan. N’awensem no maa ehyiadzi ase ho yee huntuu, obeye de MTA twee guu efir do. Ne ndze ye ahomka dodow ara ma mbofraba gyegyee no do wo awensem akenkan no mu.

Hadhrat Khalifatul Masih kaa kyere hon a woye Germany Jalsa ho nhyehyee no de womma ho kwan ma wonkenkan hon awensem kyen de wobekenkan awensem wo Urdu kasamu. Hadhrat Khalifatul Masih kaa de wonsuo asem yi mu dzen. Nyanko bi a ofi Belgium kaa de Jama’at no no dodow nkabomu na onuado onye dwuma a wodzi ma adasa no ekenyan no dodow. Odze mfe ebien ahwehwe Jama’at no no dwumadzi mu. Ber a otsee Hadhrat Khalifatul Masih ne kasaa no onyaa nsakyer bi wo no mu na oye n’adwen de obeye Bai’at; na oye.

Abrentse bi a ofi Ghana a ɔhye Tabligh ase baa Jalsa no bi na ɔnam ehyiakwa bi ntsi oenntum annye Bai'at. Ber a ɔsanee baa ehyiadzi no ase anafua no onyaa enyigye mbordo na ɔkaa de ɔatse Hadhrat Khalifatul Masih ne kasaa no na onnyi siantsir biara a osiiw no kwan de ɔbeye Ahmadiyyanyi, ntsi ɔyee Bai'at.

Onua Kristiannyi bi ka de n'enyi agye Huzoor ne nsem no ho yie. Osiande woakyerekyerɛ Islam som no mu yie. ɔka de ɔpe de ɔtse de Kristianfo so woakyerekyerɛ hon so mmu pefee dem. Na n'adwen ye no de Kristianfo kakraabaabi na wotum kyerekyerɛ nsem mu dem. Basia bi so kaa de woesua ndzɛmba afofor pii efi Jalsa no mu na Huzoor ne kasaa no ato no do yie. ɔdze ɔdo akyerekyerɛ nsem a nkye ɔye konsee wo n'adwen mu a nyimdziifo pii akyerew nwoma pii dze akyerekyerɛ mu.

Ahmadiyyanyi bi a ɔwo Germany bekaa de ɔbabun bi kaa kyereɛ no de, nna nkye ɔye Kristiannyi na nkomodzi mu no ɔbo Nkomhyenyi (NNN) ne dzin na dza ɔsosow do nyinara kaa ho. ɔkaa de asɔye ber aso na okitsaa nsu de ɔpe de ogyina Huzoor n'ekyir ye asɔr. ɔkaa de, ɔbeyee Ahmadiyya beye bosom esia ara nye yi. ɔde ɔkaan nwona a woato no dzin Muhammad N'abrabo (Life of Muhammad) na obisaa n'asɔr panyin no mu nsem bi a woenntum ennyi ano papa biara. Ntsi ɔkaa kyereɛ no de ne pe efi Kristian som mu na ɔpe de ɔye Islam som na ɔsrɛ mpaabo de dza osiw no kwan biara befi n'akwan mu.

Germany kyerekyerɛnyi bi a ofi Lithuania ka de Jalsa no ato n'akoma do yie na n'enyi agye ho. Iyi nye da a odzi kan a woaba Ahmadiyyafo hon nhyiamudzi ase na iyi asesa adwen bon a nna ɔwo ma Islam nyinara. Onyaa akwanya dze bisaa Huzoor siantsir a yebo ose (Takbir) na mbom yemmbɔ hen nsamu. Onyaa nyiano de nsamubo ye enyigye na mbom Takbir no ye enyigye na Nyankopɔn No ntonton nyiara bo mu.

Kristian sofo bi a ɔye kyerekyerɛnyi wo esuapɔn Malta mu a woakan Anohoba Mesia (ANN) no nwoma no bi ka de woenya adwenpa wo Jalsa no ho. ɔkaa de ɔgye dzi de Ahmadiyya ye asomdwee som. ɔto ɔ “alaissallahu” nkaba no bi na obisaa de dza woakyerew wo do no n'ase kyere den? Ber a woakyerɛ no ase no ɔkaa de dem kasa pow yi ɔwo de obiara ma ɔben no ber nyinara. Obisaa de ana Jama'at nye Pope edzi nkitaho da anaa? Na woyii no ano de Huzoor ankasa akyerew ne nsa ano krataa akama Pope a woennya mbuae mpo. Ber a ɔtse dem no, no were howee.

Huzoor kasaa faa abakosem a ɔfa Pope hon nkitahodzi ho. Ber a Hadhrat Khjalifatul Masih II kor nserahwe wo Europe aman mu no, ɔbo mbodzen de ɔnye Pope benya nkitahodzi na mbua a wodze maa no nye de Vetican ahenfie ho no woreye nsiesie, dem ntsi Huzoor nnkenya kwan ehyia Pope. Ber a nsemkyerewfo bisaa Huzoor faa ɔnye Pope hon nkitahodzi ho no ɔkyereɛ mu de woaka dem de mbre ɔbeye a onnkotum nye Pope edzi nkitaho. Dadwurbo krataa bo asem yi ho dawur na woaka no wo ewie de annye a Vetican nkwowie nsiesie no ara da amma Khalifa nye Pope enndzi ehyia.

Ahmadiyyanyi bi a ofi Kyrgyzstan kaa de ɔyee Bai'at wo afe 2007 na osiande wonnyi asordan wo no kurow no mu ntsi mber a odzikan a woaye asɔr wo Ahmadiyyafo hon asordan mu no ye ber a woaba Germany yi, na iyi ahye no pe dzen.

Nigernyi bi a ɔwo Belgium man mu kaa de woatse asofo pii hon kasaa wo ebibirman mu na nsunsuado nye atsenka a woenya efi Huzoor ne kasaa mu no onyaa bi dem da. ɔyee

Bai'at wɔ Jalsa no ase. Onua bi so a ofi Morocco kaa de ɔakenkan kwan nkyerekyere mu a nyimdziifo pii akyerew nye dza Anohoba Mesia (ANN) na ne Khalifafo akyerew na Ahmadiyyafo hon nwoma no mu do yie. ɔgyee Ahmadiyya too mu na ɔyee Bai'at wɔ nhyiamu yi ase na n'ebusuafo so yee Bai'at.

Muslim nyenko bi a ofi Niger kaa de nna ɔdwen de se nkye Nkomhyenyi bi wo de ɔtsena ase afeboɔ a ɔno ɔwo de ɔye Nkomhyenyi Kronkron Muhammad (NNN) na nnye Yesu Kristo bi a. Ber a ɔhyiaa Ahmadiyyafo wɔ Belgium no, onyaa no nsem ano nyiano. Na ohun Khalifat ho nhyira na adom nna ohun de dza Jama'at Ahmadiyya ka biara wɔ ngyina do wɔ Kuran nye Hadith mu. ɔyee Bai'at wɔ Jalsa no ase wɔ da a odzi ewie no. Onua bi a ofi Kyrgyzstan kaa de nna ɔdwen de ana obenya kwan nye Khalifa bi edzi ehyia wɔ no nkwa nda mu anaa? Na nda yi a ɔahyia no yi ama ne gyedzi etu kafo. Huzoor seree de yembo mpaa mma Kyrgyzstanfo osiande wɔwɔ ahokyer kese mu. Nyankopon mma Mullahfo a wɔdze ɔhaw aba no ntseasepa anaa ɔntwe hon aso.

Ahmadiyyanyi fofor bi a ofi Lebanon kaa de ber bi, ne ba a woedzi mfe duebiasa bisaa no de, nda a odzi ewie no beye den? N'egya no buaa no de obeye mfe mpempem na ne ba no annye no annye adwen na ɔkaa de dem ber noara na yewo mu yi. ɔkaa kyeree n'egya de Dajjal no nye nyimpa bi ne dzin na mbom ɔye nkorɔfo bi. N'egya no bisaa no kwan a ɔfaa do nyaa dem nyimdzii no na abofra no buaa de, da kor bi ohun MTA efir no wɔ Germany na siesie yi dze ɔhwe no aber nyinara. Nna n'egya nntse German kasa ntsi abofra no hyee ase kyerekyeree no asem biara a woka no wɔ MTA kasafir no do no mu. Da kor bi n'egya no bo fuuw na ɔkaa kyeree ne ba no de mma ɔnnhwe MTA no bio, mbom wɔ n'akoma mu no nsem biara a Ahmadiyyafo ka no ohu no de ɔye nokwar. Na ekyir no egya no hyiaa Ahmadiyyafo ebien bi a wokyerekyeree nsem mu kyeree no na ohuun de dza ne ba no kaa biara ye nokwar na ɔbeye Bai'at.

Onua bi fi Bosnia kaa de woenya atsenka wɔ Jalsa no ho na ɔsere mpaabo de se ɔsan ko no kurow mu mpo a n'atsenka no betsena ho afeboɔ. Onua bi a ofi Kyrgyzstan a Huzoor hyee no nsew wɔ Jalsa no ase yee Bai'at. Mber kakra a abesenko nna ɔkor Hajj na ɔkaa kyeree Huzoor de ɔdze Zamzam nsu no bi a ɔpe de ɔdze ma Huzoor ber biara a obehyia no. ɔkyeree ɔdo kese na ɔdze nsu no maa Huzoor.

Onua bi fi Algeria ber bi ɔtsee nkorɔfo ebien bi a na woreka nyamesem na wokasaa faa Mahdi no ho. No bo fuuw kese na ɔdween de nkorɔfo no abo mbusu, dem ntsi ɔnye hon yee nyiyiano a nna obu biara nnyi mu wɔ ahyase no. Na ɔhuun de nsem biara wɔ ngyinado a n'ano ye dzen. ɔkor do bisaa Arabic TV kasafir bi na obisaa hon faa Ahmadiyya kuw no ho. Na wobuaa no de ekyir no wobefre no wɔ tsetsefon do. Ber a wɔfre no no, wokaa de Ahmadiyyafo ye kafirfo. TV kasafir no fre no dabiara na wosido de Ahmadiyyafo ye kafirfo naaso otsie Ahmadiyyafo no a ohu no de woye nokwarfo naaso se otsie Mullahfo no a nna n'adwen mu aye no konsee. ɔkor do ara kenkan nwoma faa nsem yi ho ara kepem de n'adwen mu tseew no. Ber a ɔbaa Jalsa yi ase no ohun amanaman ahorow do nyimpa pii no, obisaa noho de beye den na dem nyimpa nyinara beye atorfo ma Mullah kortsee aye nokwarfo. Dem ntsi onyaa akomatoyemu na ɔyee Bai'at.

Onua bi a ofi Niger kaa de na onnye Ahmadiyyanyi na obaa Jalsa yi ase no n'adwen asesa na woye Bai'at abeye Ahmadiyyanyi na odze hoahoa noho de wabeka Kuw yi ho. Onua kor bi so a ofi Bosnia kaa de ber a nna onnye Ahmadiyyanyi no nna oye bon biara. Woenya nsakyerpa wo Jalsa yi ase na ope de onya abrabopa korangyeen ma obisaa mpaabo wo iyi ho. Obaabun bi a ofi Turkey yee n'adwen de onkaye Bai'at wo ndaasada wo Jalsa no ase. Na ber a woye Bai'at no onyaa pe de obeye Bai'at no bi na osuii ara yie na okaa de ohun de Tum bi a enyi nnhu na otwe no ko Bai'at no ho. Onua bi a ofi Niger kaa de nna onnyee n'adwen de obeye Bai'at na ber a ohun odo a Ahmadiyyafo wo dze ma Khalifa no n'adwen sesaa de obeye Bai'at.

Nyimpa dodow eduosia esoun (67) na woyee Bai'at wo Germany Jalsa no ase afe yi mu. Wo ntotoee afamu no, afe yi MTA hen no wodze sii abowano wo petee mu na demara so na hon a wokyerere kasa ase no so nna wowo abowano. Onam dem ntsi nna mfiir no mu ye kyekyekyekye kakra. Mowo awerehyemu de wobeye no yie. Demara so na mbasiafo mu ho no nna nkyerease no no mu nda ho yie ntsi nna owo de woba mbanyinfo no mu na wobetsie dza meraka no. Mber yi mu yi, yetum tsie kasa kyereasee wo tsetsefon do mpo na dem UK jama'at no ye. Akasafir no nna oye dze naaso nna ndze no si ekyir a se Khalifa kasa a ne ndze no si ekyir bio. Iyinom nye sinto nketsenketse, hom mbo mbodzen de hom beyi efi ho.

Nyame N'adom ara mbayin 3100 na mbasiafo 3700 na woyee edwuma wo Jalsa no ase. Khuddamfo beye 100 na woyee edwuma donhwer duanan dabiara wo beebi a woyee Jalsa no dze yee nsiesie. Hon a wohwee ahoho no bo mbodzen sen nkan no, na nna nsu wo edzidzibea biara. Oye Nkomhyenyi (NNN) ne nkyerekyere de nsu beben edzidzibea. Paanoo (roti) no so nna odzi mu yie. Huzoor noara dzii bi na nna oretweon dza ahoho a wobaa Jalsa no beka afa ho. Ahotsewee so nna oye na mfiir a wodze satse nyimpa no so dzi mu yie. Mbaabun, mbasiamba na mbofra som Anohoba Mesia n'ahoho yie. Yesere de Nyankopon bema hon akatuapa na Wama woenya kanko wo hon nokwardzi mu.

Afei Huzoor bo no dawur de Canada, Belgium na Ireland reye hon Jalsa Salana dem da noara. Nyankopon mboa hon ma wonya Jalsa nokwar sunsum no nye nhyiamu noho mfaso. Na dem Jalsa ahorow nyinara nko ewie pa. Demara so na nda da yi, UK Khuddamfo so reye hon nhyiamu (Ijtimah), Nyankopon mboa mbabayin yi ma wonhye hon botae ma. Okuwba biara nhu de Jalsa no botae nye de yebanya Nyankopon N'enyigye na yeenya sunsum mu mpontu nna subanpa mu kanko. Obiara mma n'adwen nko nsem yi do yie.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Mr. Rasheed Possible Essuman Sahib  
(First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Cont [www.jamiatulmubashireen.org/contact-us](http://www.jamiatulmubashireen.org/contact-us)act: